

DISPUTATIO JURIDICA.

Continens positiones aliquot

maximè controversas

De

M O R A

*Quas*

D. T. O. M. F. A.

*Magnifico & Amplissimo Jctorum Ordine  
Consentiente*

*In celeberrimâ & florentissima Wittebergenſium  
Academiâ.*

SUB PRÆSIDIO

CLARISSIMI EXCELLENTISSIMI

ET CONSULTISSIMI VIRI

DN. CHRISTIANI CARPZOVII

J. U. D. Præceptoris, Fautoris ac Promotoris sui,

eo quo par est honoris cultu proſequendi.

*In publico Jctorum Auditorio*

*Placida diſputantium cenſurâ ſubjicit.*

CHRISTOPH. JOACHIM COELESTINUS

Cuſtrinô Marchicus

*Habitur ad diem 31. Martii*

*horis antemeridianis*

\*\*\*\*\*

WITTEBERGÆ,

Typis GEORGII MÜLLERI,

ANNO clō lōc xxxii.

*Amico ſuo An  
ciſſimo & Doctiſſimo*

304

1632. 1

30



Nobilib. Amplissimis, Clarissimis &amp; Consultissimis

Dn. MATTHEO COLDEBACIO  
J. U. D. CODICIS JUSTINIAN. in Illustri  
Marchion. Brandenburg. Franco-  
furtana Professori Publ. Facultatis  
Juridicae ibidem Seniori, & Practico  
causarū forensium celeberrimo &c.  
Dno. Patrono, Adfinsi, & Evergeta  
meo quovis observantiarum gene-  
re colendo.

Dn. JOACHIMO CHEMNITIO  
J. U. D. Serenissimi Electoris Bran-  
denburg. Consiliario, Consistorii  
Ecclesiastici, nec non Camerae Ju-  
dicialis Adfessori dignissimo. Do-  
mino Fautori, Avunculo, & Pro-  
motori omni honoris & obser-  
vantia cultu ac vultu æternum pro-  
sequendo.

SAL. &amp; OBSERV.

Quanta Viri Ampliss. & Consultiss. Patroni & Mæcenates eviternum ho-  
norandi, disputat ionum sit necessitas, quanta earundem utilitas, quant a  
deniq; jucunditas, id vel (omissis jam modo celeberrimorum tam Jurisconsulto-  
rum quam Philosophorum hac dore laudibus ac testimoniis; silentii involucro  
etiam obvoluto, quantum ad acuenda disputantium ingenia, ad purè latineq;  
loquendum proficiant) ex eo satis superq; manifestum evadit, quod nihil ad eru-  
endam eliciendamq; veritatem magis conducatur, quam illa: Si quidem  
nullo modo veritas melius rectiusve indagari potest, quam si disputando,  
una parte adfirmante, altera vicissim id ipsum negante, rationes inter se confe-  
rantur & ponderentur. Quemadmodum enim aromata quo magis conteruntur,  
eo magis redolent, ita etiam veritas, quanto magis oppugnatur, eo clarius  
in lucem profertur. Hac mecum animo ponderans placuit hanc de morà mate-  
riam, propter usum quotidianum frequentissimã in sequentes positiones redige-  
re & sub publicâ disquisitionis includere vocare. Sub titula autem nominum ve-  
strorum, Viri Ampli in lucem dare volui, imo debui, partim ob consanguinitatis  
quo invicem adstricti vinculum, partim ut ob clara eximiorum adfectuum mi-  
hi exhibita signa, aliquod gratæ mentis erga vos argumentum, quo benevolentes  
& propensos vestros in me animos remunerarer, exstaret. Quare vobis Viri  
Amplia & hunc ingenii mei partum dedico, me in amorem & officia vestra  
largiter proclinatam, illum impolitum & uti hoc genus est, à cultu nudum;  
sed vobis consecro, idq; in gratitudinis devotum monumentum. Valete. Daban-  
tur Wittebergæ & museo pridie calend. April. Anno 1632.

VV. AA.

Observantiss.

Coelestinus

A. &amp; R.



Cum monente Augustissimò Imperatore,  
*in l. in nomine 2. C. de off. prefet. Prator. Afric.*  
 In Nomine DOMINI NOSTRI JESU CHRISTI  
 ad omnia consilia, omnesq; actus nostros progredi de-  
 beamus; Ego quoq; ad ipsius numinis providentiam,  
 animum referens, has de mora controversias  
 aggredior. Sit itaq;

P O S I T I O I.

Mora (a) est cessatio, sive improba dilatio (b)  
 prætermittendi officium, in solvendo recipien-  
 dove (c) debito, alteri damnosa.

(a) Cum multorum errorum genitrix & origo sit ipsa æquivo-  
 catio, merito in principio harum thesium, vocabuli ipsius duplicem  
 enodamus significationem. Sumitur verò mora verbum. 1. pro qua-  
 cunque dilatione: sic dicitur in *l. ait Prator 23. §. ult. ff. ex quibus cau-  
 sis majores. judicii moram contingere, quæ l. 26. ff. eodem, vocatur judi-  
 cis dilatio §. 4.* Item in *l. aliquando §. ff. officio procons.* mora appellatur,  
 quæ tamen non fit studio, sed necessitate ita urgente *l. legatus 2. §. ali-  
 um 1. ff. de legation. 2.* Strictè, pro voluntariâ quadam dilatione, per  
*l. nonnunquam 8. ff. de collat. bonor.* quæ hujus est loci & à nobis secun-  
 dum Calvin. in *lex. in verb. mora* definita est.

(b) Quæ videlicet non est necessaria aut fortuita; sed studio ad-  
 versarii facta *l. si pr. egrens 13. ff. de fideicom. liber.* Is enim omnino  
 moram hujusmodi committit, qui nullâ difficultatè impeditus, cum  
 potuit, rem non tradit, inquit Gothofred. *ad l. 3. §. 4. ff. de action. empr.*  
*lit. 1.* & propriè illud non est mora, si fraudandi causa non simulatur.

A 2 1. ff.

ITIO  
Bran-  
stitorii  
ra Ju-  
o. Do-  
& Pro-  
obser-  
mp-ro-

um bo-  
quant a  
onsulto-  
volucro  
latineq;  
ad eru-  
quidem  
utando,  
e conse-  
nterun-  
clariss  
à mate-  
redige-  
num ve-  
ninitatis  
um mi-  
volentes  
obis. V. di  
ia vestra  
udum;  
Daban-

5 R.



*l. si modo 22. ff. de usur. & fruct.* Vocatur hæc dilatio, alias frustratio  
*l. hominem 37. ff. mandati*, vel etiam frustratoria dilatio à Treutl.  
*vol. 2. d. 3. t. b. 6. arg. l. 3. ff. de usur.* imo culpa à Paulo *in l. si servus 91.*  
*§ 3. ff. de V. O.* & dolus ab Interpp. juxta Jafon. *in l. si vero ff. qui satia-*  
*daare cog.*

(c) Verba hæc in solvendo & recipiendo ideo apponuntur,  
quod non tantum debitor in solvendo, verum etiam creditor in reci-  
piendo videlicet id quod oblatum est, moram committere possit.  
*Hotom. in lex.* Alii aliter moram definiunt & quidem variè; nonnulli  
aliis verbis, eodem tamen sensu. Alth. *lib. 1. diceol. c. 67. n. 7. Cujac. in*  
*π. ff. h. t. in fine.* quia tamen hæc nostra ipsius rei essentiam satis ut  
opinor superque explicat, ideoq; illam non immeritò retinemus,  
contra illos qui moram planè definiiri non posse contendunt, inter-  
quos est Coraf. *lib. 2. misc. cap. 6.* Quorum potissimum fundamentum  
est hoc; quod nempe ea quæ facti sunt, qualis est quoque mora, defini-  
ri nequeant: Ast refutantur hi quam plurimis juris exemplis; Quippe  
Pacta & Contractus in facto consistere nemo negabit, & tamen  
illorum habetur in jurè definitio *l. buyus 1. § 2. ff. de pact. l. Labeo 19. ff. de*  
*V. S.*

## POSITIO II

Duplex est mora: (a) Una ex persona (b) quæ  
etiam in persona, seu in personam, Altera ex re (c)  
quæ etiam in re, seu in rem dicitur.

(a) Desumpta est hæc divisio à forma, & amplectitur eandem  
Vultejus *lib. 1. §. R. cap. 44. n. 46.* Borchold. *de usur. cap. 3. n. 19.* Arum.  
*cap. 3. n. 14.* & multi alii. Dissentit Wesembec. *in π. ff. de usur. n. 3.*

(b) Per *l. mora 32. ff. de usur.* hoc est ex vitio & culpa personæ,  
& potest hæc mora fieri tam à parte debitoris quam à parte credito-  
ris: Debitoris, cum creditor illum oportuno loco & tempore inter-  
pellat & is solvere prætermittit, quod solvere debet & potest, quæ præ-  
termissio cum aliquo creditoris incommodo est conjuncta *l. si quis 5.*  
*§. 1. ff. de collat. l. mora 32. ff. de usur.* Creditoris qui solutionem à debi-  
tore sibi idonee oblatam recipere recusat, unde aliquid incommodi  
ad de-

ad debitorem pervenit. *l. qui decem 72. in pr. ff. de solut. & liberat.*

(c) Est quæ ipso jure sine ulla hominis interpellatione ex solo tempore tarda solutionis committitur *d. l. mora de us. Ulpian. l. cum verò 26. §. apparet 1. ff. de fideicom. libert.* dicitur item re aut re ipsa *l. si quis 3. §. idem ff. de adm. leg.* ab Interpret. vocatur irregularis extraordinaria & impropria, cum habito respectu ad priorem pro mora non sit habenda. *Borcholt. d. c. 3. n. 19.* Committitur ejusmodi mora in fideicom. libertatibus cum nimirum heres, legatarius vel fideicommissarius, qui manumittere rogatus, eo quo debuit tempore, libertatem non statim, quam offerre debuit, contulit. *d. l. 26. §. 1. ff. de fideicom. libert.* Eodem modo constituitur in mora qui promisit dotem, sive ipsa uxor sit, sive alius; uxor quidem à tempore contractu matrimonii, extraneus verò biennii spaci elapso per. *l. cum quidam 31. C. de jure dor.* Similiter ex re mora contrahitur in delictis puta in furto *l. in re 8. & ult. ff. de condict. fuit.* in abigendo pecore, & ob restitutionem illius pecuniam accipiendo, in his namque casibus in rem mora fit. *l. cum 7. C. de condit. ob turpem causam.* Et eadem ratione committitur quoque ab iis qui aliquid vi auferunt, quippe qui plus quam frustratores sunt. *l. 19. ff. de vi & vi armata. Ferret. de mora. num. 7.* Pluribusque aliis modis ex re mora fieri potest, quos fusius recensent Meier in colleg. Argentor. *d. l. th. 48. & 50. & Arum. c. 4. per totum.* Differentia inter moram ex re & ex persona ex prædictis liquet, cui alias duas addit *D. Arum. cap. 3. de mora. num. 15.*

### P O S I T I O III.

Nascitur verò Mora ex interpellatione (a) quæ fit vel judicialiter (b) vel extrajudicialiter (c).

(a) Varias verbum interpellare habet significaciones, in *l. diffamari 5. C. de ingen. manum.* ponitur interpellare præsidem pro implorare officium judicis. *Paulus in l. servitutes 14. ff. de servitut.* usurpat pro interrumpere; ibi: nemo tam continenter tam perpetuo ire potest ut nullo momento possessio ejus interpellari videatur. Apud *Valer. Maxim. lib. 3. cap. 1.* legitur pro rogare; Cato iterum ac sæpius interpellatus in proposito persistit. Hoc loco denotat admoni-

admonitionem sive denunciationem, factam debitori ad solvendum, creditori ad recipiendum. Et fieri creditori mora videtur, non solum si ipse interpellaverit, sed & is cui mandaverat, vel qui ejus negocia gerebat. Paulus *l. si quis 24. §. 1. ff. de usur. & fruct.*

(b) Nimirum per litis contestationem *l. legatorum 1. l. adversus 2. C. de usur. & fruct. legat.* non vero per solam libelli oblationem, cum ad moræ constitutionem secundum Marcianum *in l. mora 32. ff. h. t. requiratur denuntiatio seu interpellatio, quæ in solo libello non continetur, quia offerendo libellum, non præbetur debitori causa propter quam solvere debeat, dum offertur non reo sed judici, quæ tamen omnino requiritur à Pomponio *in l. quod re 5. in fin. ff. de reb. cred.* Diff. Decius, Angelus, & Alexand. *in l. vinum 22. ff. de reb. cred.* referente D. Arum. *c. 5. n. 12.* quorum argumenta contraria in ipso disputationis actu cum bono Deo refellendi sese offeret occasio; si enim omnia & singula solidius explanare velimus, in ingens volumen nostra excresceret dissertatio.*

(c) Quæ intervenisse dicitur, si debitor præsens *d. l. mora ff. h. t.* à creditore extra judicium admonitus sit, ut solvat. Philipp. Matth. *d. 2. tb 50. Trent. l. vol. 2. d. 3. tb. 7.* Necesse autem est ut fiat hæc interpellatio testatò, hoc est, testibus adhibitis *l. qui Romæ 122. in pr. ff. de V. O. sitq; clara, certa & incitatoria.* ubi enim nulla interpellatio, ibi nulla committitur mora *l. nulla 88. de R. J.*

#### P O S I T I O   I V .

Ad constituendum igitur in mora debitorem sufficit extrajudicialis (a) interpellatio, etiam unica (b) oportuno loco (c) & tempore (d) facta.

(a) Quod judicialis in mora constituat extra dubitationis bilan-  
cem relinquimus. De extrajudiciali adhuc controversia est non exi-  
gua: Etenim Coraf. *lib. 2. misc. c. 6.* id negat; Teste vero Gœdd. *c. ii. concl.*  
*4. n. 65. de contrab. & comm. stipul. communis* Dd. schola illam suffi-  
cere arbitratur, eorumq; sententia confirmatur ex *l. si ex legati 23. ff. de*  
*V. O. l. quod te 5. ff. de reb. credit.* qui textus generaliter & in distinctè  
loquuntur, & interpellationem tam judicalem quàm extrajudicalem  
suffi-



407.  
sufficere innuunt, quapropter nec nostrum est distinguere cum lex non distinguat. *arg. l. precio 8. ff. de publ. in rem action.*

(b) Idem hic exoritur diffidium inter juris Interpp. Nos crebriora Dd. suffragia & usum forensē Gœdd. *d. c. u. n. 66.* sequimur statuentes ad moram inducendam eam sufficere, nec plures necessarias esse Arum. *disp. 14. ff. th. 18. & cap. 5. de morâ n. 14.* Vult. *lib. 1. f. R. c. 44. n. 52. l. mora §. 1. ff. h. t. l. si ex legati 23. ff. de V. O.* ratio hujus nostra sententiâ desumitur ex allegatis legib. quæ loquuntur in singulari numero, adeoq; interpellationem, non verò interpellationes exigunt; Ex abundantiam plures fieri posse non negamus, sed non opus est, eum qui semel certior factus est ulterius certiorari *c. eum qui. de R. f. in Sexto. Philip. Matth. d. 2. th. 51. lit. A. B. Arum. d. 14. th. 18.* Dissentit Coraf. *lib. 2. miscell. cap. 6.*

(c) Qui talis esse debet ubi etiam inivus debitor ad solvendum cogi possit. Gœdd. *d. c. u. n. 62.* Arum. *c. 5. n. 10.* intellige, in quo quis solviturum promittit: Unde si quis Francofurti centum daturum promittit, non potest Lipsiæ conveniri; Utilitas enim fortè quam habebat debitor, si in eo quo promiserat loco solveret, ipsi adimitur; Præterea non omnibus in regionibus pecuniæ numeratæ sub eisdem usuris fœnerantur, sed aliis in locis graviores, in aliis leviores inveniuntur. Cajus *l.ideo 3. l. p. l. is. qui 9. ff. de eo quod certo loco. §. si quis agens 33. Inst. de action.*

(d) De hoc idem esto judicium inquit Arum. *d. l. n. 11.* Adeo ut qui ante diem vel conditionem adimpletam interpellat, plus petat. Quæ enim ratione qui tardius solvit, quam solvere debet, minus solvere intelligitur secundum illud:

Bis dat qui cito dat, nil dat qui munera tardat,  
Eadem ratione, qui præmaturo petat, plus petere videtur *§. si quis agens agens 33. Inst. de action.* Mynf. *vers. plus autem n. 10.* quia die vel conditione suspenditur illa solutio *l. cum filius fam. 49. ff. de V. O.* Hæc tamen de interpellatione dicta non ita intelligenda sunt, ut si interpellatus non confestim solvat in mora constituatur, sed cum quodam temporis temperamento accipiendum, idq; humanitatis causa, quo solutio vel traditio fieri possit *l. quod dicimus 205. ff. de solut. §. ult. Inst. de inutil. stipul.* non ut importunus creditor, statim cum facco paratus adfit. Mynfing. *§. omnis Inst. de V. O. n. 4. Borchhold. ibid.* Temperamentum  
autem

autem illud iudicis arbitrio æstimandum relinquitur. *Mynf. d. l. Sapor-  
ta de mora. c. 2. n. 30.*

P O S I T I O V.

Similiter eum in mora constituit, dies (a) ob-  
ligationi adjectus, sed de conditione (b) apposita  
secus (c) est.

(a) Vocatur hæc tacita interpellatio, quando nimirum dies  
quo solvi debuit, præterit, tum enim sine hominis facto moram con-  
trahit Gœdd. *de contr. b. & comm. stipul. c. u. n. 65.* Ut si quis intra men-  
sem solvere debet, mense elapso non solvat, eo namq; casu dies pro  
homine interpellare dicitur & jus fingit interpellationem intervenisse  
Vult. *lib. i. f. R. c. 44. n. 54.* Idq; probari potest sacratissimi nostri Im-  
peratoris D. Justiniani rescriptione quam in *L. magnam. 12. C. de contra-  
hend. & comm. stipul.* huic verbis disertis reliquit: Magnam legum  
veterum obscuritatem quæ protrahendarum litiū magnam occasio-  
nem usq; adhuc præbebat, amputantes, sancimus, ut si certo tempore  
facturum se aliquid, vel daturum stipuletur, vel quæ stipulator voluit,  
promiserit & adjecerit, quod si statuto tempore minimè hæc perfecta  
fuerint, certam poenam dabit, sciat minimè se posse debitor ad evitan-  
dam poenam adjicere, quod nullus eum admonuit, sed etiam citra ul-  
lam admonitionem eidem poenæ pro stipulationis tenore fiet obno-  
xius; cum ea quæ promisit ipse in memoria sua servare non ab aliis  
sibi manifestari debeat poscere. & in *L. emphyteucar. 2. C. de jure  
emphyteut.* ibi: neminem oportet conventionem seu admonitionem  
expectare sed ultro sese offerre, & debitum spontanea voluntate sol-  
vere. Qui igitur ex die aliquid debet, hic si prætinuo die non solvit,  
moram facit, quamvis ab eo nihil petitum fuerit. Donell. *de mora c. 2.*  
*Treutl. vol. 2. d. 3. eb. 7. lit. D.* Dissent. Bacchovius ad Treut. hic secutus  
Ferretum in *tratt. de mora. n. 22.* qui eo potissimum moventur argu-  
mento, quod à Jcto Scævola in *L. nulla 88. ff. de R. f. & l. 127. ff. de V. O.*  
generaliter & sine distinctione traditū est, *nullam esse moram, ubi nulla  
est petitio.* Verum enim verò quamvis allegatos textus, de petitione ita  
accipi posse non inficias eamus, de iis tamen necessario intelligendos  
esse putamus, in quibus petitio ita requiritur ut debitor scire queat,  
quando creditori debeat solvere: Jam autè plane supervacuum esset,  
moneri

moneri eum qui intelligit certo tempore se id facere debere, sic volente & jubente creditore, seq; naturâ rei & obligatione ita cogi. Don. d.l. c. 2. cum amplius non sit certiorandus, qui semel certior factus est. c. eum qui de R. J. in 6. quod tamen hoc loco fieret, si ab initio aperta creditoris voluntate certioratus denuo interpellaretur.

(b) Conditionum alia sunt casuales, alia potestativa alia mixte. Borchart. ad §. omnis stipulatio Inst. de V. O. Videatur Arnold. de Reyger in thesaur. jur. de conditionib.

(c) Non sicuti dies quando venit, ita etiam conditio obligationi adjecta, quando existit debitorem in mora constituit, eamq; opinionem habuit Bart. Ferret. d. l. n. 23. qui omnes nostros in hoc consentire ait. Don. c. 3. Ratio autem, quare idem non perficiat conditio, quod dies quodq; ad moram inducendam adhuc necesse sit ut accedat hominis interpellatio, hæc est, ut nempe debitor sciat, quo tempore, quove loco rem debitam creditor præstari aut solvi sibi velit; quod ipsum ex nuda conditionis adjectione constare haud potest, cum incertum quam sæpissimè, quando, vel an unquam conditiones illæ sint exituræ Bacch. ad Treutl. d. l. Secessionem ab hac sententia fecerunt. Accur. in l. 115. §. item si quis ff. d. V. O. Hotom. hic

P O S I T I O V I.

Quod ad creditorē<sup>(a)</sup> attinet ut is in mora constitutatur, non tantum debiti oblatio<sup>(b)</sup> sufficit, sed etiam solennis obsignatio<sup>(c)</sup> & depositio<sup>(d)</sup> requiritur.

(a) Quamvis ut plurimum mora circa debitores versetur, quippe quorum maxima pars beneficium scit sumere reddere nescit. Plant. in Pers. parum æstimantes illud Ovidii.

Dedecus est semper sumere nilq; dare.

Fieri tamen interdum solet, ut etiam creditor copiis forte rei familiaris locuples & pecuniosus, debitum sibi oblatum accipere recusando moram contrahat. l. si soluturus 32. l. qui decem. 72. ff. de solut. quod postmodum detrimenti aliquid adfert ipsi creditori; ad hujus moræ constitutionem requisita in hac positione enumerantur.

(b) Scilicet ejus quod promissum est. Oblatio enim primum & potissimum hic requiritur, quod Divi Severus & Antoninus expresse

B rescri-



rescripserunt in *l. usurae C. de usur.* & *idem Antonin. in l. si creditoris 6. C. eodem.* Fieri autem illa debet tempore & loco congruis. *l. creditor 102. in pr. ff. de solut.* Nam temporis ratione habere in omnibus rebus bene feliciterque; constituendis plurimum referre natura satis manifestum est: Sic etiam loci spectanda semper est oportunitas, qualiter vero haec comparata esse debeant egimus supra posit. *4. lit. C. D.* Ideoque; ne erambem bis coctam proponere videamur, ulteriore repetitione omnino supervacaneum esse censuimus.

(c) Quae sit cum sacculus lino trajicitur, signisque; cerae impressis obfiguratur Calv. *in lex. in verb. obfigurat. l. acceptam 19. C. de usur.* & hoc eam ob causam, quo creditore pecuniam postea recipiente, constat obfiguratam pecuniae summam oblatae respondere *Arum. c. 7. n. 7. de moram.*

(d) Tertium & ultimum hoc est, quo omissio creditor moram committere nequit per *d. l. si detrici 6. C. de usur. ibi:* obfiguratam eam deposuisti per *l. si te 9. C. eodem.* Ideo autem hic exigitur depositio, ne si debitor penes se retineat, aliquando creditor possit conqueri, non fuisse sibi semper illius copiam, vel si res interierit, factio aut culpa debitoris id ipsum contigisse pretendere audeat. *Arum. d. c. 7. n. 7.* At quæritur ubi hæc depositio fieri debeat? Dicimus in loco publico arg. *l. qui muruam 52. §. fideiussor ff. mandati d. l. acceptam C. de usur.* quales sunt sacratissima aedes in quibus & olim res conservandas depositas fuisse novimus ex *l. cetera 4. §. 3. ff. famil. erciscund.* vel qui alias à iudice competente (qui super hac re adeundus est) demonstrabitur ac decernetur. *Arum. d. 14. th. 17.*

## POSITIO VII.

Contracta Morâ, casus rei fortuitus transfertur in moratorem (a) & fructuum, (b) Usurarumque; inducitur præstatio (c).

(a) Sive jam ille sit creditor, sive debitor. De debitore expressum habemus textum in *l. quod te 5. ff. de reb. cred. ubi* Jctus Pomponius inquit: quod te mihi dare oporteat, si id postea perierit, quam per te factum erit, quo minus id mihi dares, tuum fore id detrimentum constat. & in *l. si in Astiaz. §. 3. ff. de positi.* quemadmodum quod extripulatu vel ex testamento dari oporteat, post iudicium acceptum cum detrimento rei periret, sic depositum quoque; eo die, quo depositi actum sit, periculo ejus apud quem depositum fuerit, est, si potuit id reddere reus nec reddidit.

Sicuti

Si cuti itaq; debitori sua mora est nociva, ita etiam creditori sua nocet mora *l. 173. §. 2. ff. de R. J.* adeo ut si rem oblatam accipere nolit, eaq; postea sine debitoris culpa perierit, non solum debitor liberetur. *Donel. d. tract. c. 10.* sed etiam doli mali exceptione se tueri possit, quanquā aliquando interpellatus non solvat. Non autem hic in cōmodo quaeri potest, quoniam tempore legatorum & fideicommissorum debeantur usurae? Nos cum *Dd.* statuimus à tempore moræ. *Arum d. tract. c. 8. n. 11. Bacch. ad Treutl. hic th. 7. lit. A.* qui cōmunem & verā hanc esse ait sententiam, quæ traditur à *JC. Paulo* in *l. si quis 23. ff. de legat. 1.* cui ad stipulatur *Marcianus* in *l. mora 32. §. 2. ff. de usur.* Ratio est quod legata & fideicommissa bonæ fidei iudiciis in hoc assimilantur eorumq; naturam imitantur *l. usura 34. ff. d. r. & l. in minorum 3. C. in quib. causis restit. in integ.* Dissentit à nobis *Corasius lib. 2. miscell. c. 7. n. 4.* qui usuras tantum à tempore litis contestatæ; non vero moræ extrajudicialis deberi asserit, cuius opinio in discursu forsitan refutanda veniet.

POSITIO VIII.

Et ex hac mora debitoris principalis tenetur etiam fidejussor, (a) unius autem rei mora correo non obest (b).

(a) Licet ille in mora non fuerit *Philipp. Matth. disp. 2. t. b. 68. Althuf. lib. 1. diccol. c. 67. n. 22.* uti illud apertè dicitur in *l. si quis 24. §. 2. ff. de usur.* ubi *Paulus*: cum reus moram facit, & fidejussor tenetur, & idem in *l. si à colono 58. §. 1. ff. de fidejuss. & mandat.* cum facto suo reus principalis obligationem perpetuat, etiam fidejussoris durat obligatio. Sic etiam *Dioclet. & Maximia.* explorati juris esse, si fidejussor quis creditæ pecuniæ intercessit, teneri eum ex obligatione, rescripserunt, in *l. si mandator. §. C. quod cum eo qui in al.* Nocet autem hæc mora ita fidejussori, ut ejus obligationem non tantum perpetuet & continuet, verum etiam augeat, hoc est, ut teneatur ad usuras & accessiones, quod probatur per textum *l. quæro 54. ff. locati.* quæ tamen jam dicta ita intelligi volumus si in omnem contractus causam fidejumbendo sese obligaverit, *d. l. quæro ff. locati.* idque vel expressè, vel tacitè; hoc est, ita fidejusserit ut ex antecedentibus & consequentibus ex natura negotii & circumstantiarum, de voluntate fidejumbentis constet, in omnem voluisse causam se esse obligatum.

B 2

Unde

Unde jam à contrario sensu cum Goedd. *de contrab. & commit. stip. c. 11. n. 723. & seqq.* rectè concludere possumus, si non in omnem causam intercessit, de omni accessione non teneri, quæ sententia fundata est in *l. fidejussor. 68. ff. de fidejuss. ubi Gothofred. lit. D.* fidejussores nisi in omnem obligationem se adstrinxerunt, in usuras non teneri, asserit *l. quicquid 99. ff. de V. O. Pacius c. 4. q. 33.*

(b) Locum hic habet illa juris regula sua cuiq; mora est nociva *l. in condemnatione 273. §. 2. ff. de R. J. c. mora de R. J. in 6. l. 32. §. 4. ff. de usur.* Nec obstat nobis *l. ex duob. 18. ff. de duob. reis stip.* ubi Pomponius ait: ex duobus reis promittendi ejusdem Stichi factis, alterius rei factū alteri quoq; nocere. Ad quam legem cum variæ sint Dd. responsiones, nobis arridet Philip. Matth. qui eam de ejusmodi facto intelligendam vult, per quod dissolvitur obligatio, & hoc si ab uno ex duobus correis debendi fuerit perpetratum, id ipsum alteri quoq; & cōmodum & detrimentum adferre. Distingui etiam potest inter factum (de quo lex loquitur) & inter moram: Cum igitur mora fiat ex persona, personam moratoris non egreditur, factum vero fiat in rem, ideoq; pertineat ad utrumq;.

#### POSITIO IX.

Purgatur<sup>(a)</sup> mora duplici modo: voluntate creditoris (b) & opera debitoris (c) Creditoris mora purgatur, si rem à debitore denuo petat (d).

(a) Cum nihil tam naturale sit quam eodem modo unumquodq; dissolvi, quo colligatū est. *l. nihil tam naturale. 35. ff. de R. J.* & quicquid ab hominibus ligatur solubile sit. *Novell. 22. c. nuptias 2.* Ideo cōmode nunc subjicimus quoq; quomodo mora purgetur, & ejus effectus impediatur, perindeq; habeatur, ac si mora cōtracta antea nunquam fuisset. *l. si servum 91. §. sequitur 3. ff. de V. O.* Purgari igitur mora dicitur, quando voluntaria ista dilatio ita obliteratur, ut penitus mora quiescat, & omnis ejus poena evitetur, quod tamen accipiendum est de futurā, non de præterita, ea enim non tollitur. *Donell. c. 8.*

(b) Qui nimirum illam remittit, eandemq; rem sive illa sit præfens sive absens *l. parvi 17. ff. de cond. furtiv.* novandi animo stipulatur. Cum enim veterem obligationem in novam transfulerit, ex nova autem nulla nata sit mora, siquidem ex illa tantummodo res debetur, priore

priore sublata, necesse quoq; est moram, quæ ex inde oritur simul extingui Donell. d. l. De forma hujus novationis habetur constitutio Justiniani in l. novatio 8. C. de novation. §. præterea 3. Inst. quib. modis tollitur oblig.

(c) Quando is tempore & loco oportuno debitum offert. l. in jus 2. ff. de in jus vocand. Quæ purgatio licita est, in puris dandi obligationibus non ulterius quam usq; ad litem cōtestatam, quia post litem contestationem plura deberi incipiunt, quam sola res l. vulgo 2. ff. de usur. Similiter, si dies quidem non tamen pœna obligationi adjecta sit, usq; ad litem contestationem admittitur, postea verò non item, l. sed et si 17. ff. de constit. pecun. Quando verò dies & pœna simul fuerint adjectæ, ut scilicet ad certum diem quo promissum est nõ solvatur, pœna promissa sit, tunc nullum moræ purgatio locum habet, tam ante quam post litem contestatam per l. injecciónis 23. ff. de obl. & action. l. magnã C. de contrab. & com. stipul. Ratio est, quod ubi sollicita hominis provisio, ejusdemq; circa obligationem voluntas appareat, legis ibi cesset auxilium, cum quilibet licentiam habeat, favori qui pro se introductus, renunciare. l. si quis 29. C. de pact. cujus rei exemplum quoq; habemus in hoc casu.

(d) Et hoc loco & tempore congruo, ostendatq; se paratū nunc esse ad accipiendum Papinian. in l. debitor 7. ff. b. t. Pompon. in l. illud 17. ff. de pericul. & commod. rei vend. In hac autem re judex ad eundem est: Arum. c. 9. n. ult.

#### POSITIO X.

Cum moræ effectus sint usuræ, conclusionis loco, eas licitas esse de jure divino<sup>(a)</sup> Civili<sup>(b)</sup> & Canonico<sup>(c)</sup> assero<sup>(d)</sup>.

(a) Quemadmodum videre est ex Deuteron. c. 23. v. 19. Prov. 29. v. 13. cui accedit monitum Apostolorum principis 2. ad Corinth. 8. v. 13. qui benefaciendum quidem aliis esse, maximopere hortatur, sed tamẽ ita ne illis sit remissio nobis tribulatio, illis relaxatio nobis afflictio, cum qui suorum curam non habet eisq; fidem negat, infideli sit deterior. Imo Christus ipsemet hoc innuere quodãmodo videtur, cum omnia quæ volumus ut nobis faciant homines & nos ipsis faciamus, præcipit Matth. 7. v. 12.

(b) De hoc vix dubitari potest cum de iis tam in Digestis in qui-

B ;

bus

bus JCorum responsa collata, quam in Codice, ubi Imperatorum constitutiones, integri habeantur tituli: ex quibus satis ut opinor superq; eas esse omnimodo concessas demonstrari potest.

(c.) Sicuti leges non dedignantur sacros imitari canones, ita vicissim sacrorum statuta canonum principum constitutionibus adjuvantur *cap. intellex. 1. de novi operis nunciat. cap. cum expediat. de elect. in 6.*

(d.) Hic tamen distinctionem adhibendam esse statuimus, cum Wesemb. in *xx. ff. h. t. Uebenthal in coll. pol. ex. 3. q. 25.* Ideoq; tres facimus usurarum species, Lucratorias, Recompensatorias, & Punitorias. Prioris generis dicuntur alias mordentes, & sunt iniquæ, illicitæ, inhonestæ, adeo ut hujusmodi improbas usuras exercentibus, illiciteq; exigentibus infamiæ macula irroganda sit, ex constitutione D. Imp. Dioclet. & Maxim. in *l. improbum 20. C. ex quib. caus. infam. & tales etiam expresso Dei præcepto sunt prohibitæ Lev. 25. v. 36. Exod. 22. v. 25.* **Recompensatorias** (dictæ aliàs sublevantes & conservantes remuneratoriæ) interdictas aut illicitas esse dici non potest cum nemini officium suum debeat esse damnosum *l. sed si quis 7. ff. testam. quomodo aperiantur.* Quemadmodum igitur Christianum est, ut qui habet & potest, alterius egestatem per officium mutuationis, sublevet, sic quoq; justum & æquum est, ut alter mutantis non velit dispendium, sed ob beneficium præstitum suumq; neglectum commodum, æqualem ipsi referat compensationem Dieter. in *Instit. Cathoeb. præc. 7. pag. mibi 174.* Tertio **Punitorias** multo minus improbare possumus, cum sustineantur partim propter præsumptum creditoris damnus, quod interesse dicitur, partim propter morâ debitoris quæ tanquam delictum puniendâ est, Unde Jctus Paulus in *l. cum quidam 17. §. 3. ff. h. t. usuræ* non propter lucrum petentium, sed propter moram non solventium infliguntur. Dissentii Casus in *sp. civit. lib. 1. c. 7. q. 2. Schönb. lib. 3. pol. c. ap. 12.* Qualis vero sit legum circa exigendas usuras taxatio & modus, videatur Wesemb. in *xx. ff. h. t. n. 19.* Arnold. de Reyger in *thes. jur. de usur. n. 246.*

DEO TRINUNI SIT LAUS HONOR  
ET GLORIA IN SEMPITERNA  
SECULA,



Parerga

I.

An Judaeus possit tutelam gerere hominis Christiani?  
Negativam amplector.

II.

An parens pactum, quod filiam nuptum tradens dotali  
instrumento inseruit, ut illa dotem non conferret, sed aequis por-  
tionibus cum fratre succederet, ultima voluntate possit mutare?  
Placet affirmativa.

III.

An donatio propter liberorum supervenientiam a quovis  
donatario possit revocari? Affirm.

Ἦγοσ Φώνημα

Ad Dn. Christophorum Joachim: Coelestinum

LL. Studiosis: harum positionum propu-  
gnatorem.

**P**erfusus hastis igni comantibus  
Lucis jubar Sol cum recipit novus  
Campisq; ab Eois redaxit  
Purpureis veteres caballos,  
Per prata dense contremulant apes,  
Suavisq; cellas nectare farciunt,  
Hinc pressa puris mella vasti  
Attalicum precium laboris.  
Sic tu Themistos pervolitans solum  
Humo virentes ore trahis rosas,  
Et mella Coelestine, fingis  
Juridica studiosus artis.

Nov



Non te retraxit Martius improbus  
Nimbus, nec Auster, nec Boreas furens  
Moram moratur, quam labore

Perpetuo insinuabis avo.

Hinc grata profers mella scientia  
Quae vis Hyblaeis invenias jugis,  
Sed rure legali parantur,

Et Themidis redolent odorem.

Ergo in virenti JUSTITIAE solo  
Flores ameni ac perpetua rosa  
Dabuntur, & dignum brabuum

Pro meritis dabitur merenti.

Detur merenti, nec sine me tui  
Profunt honores, nec sine me tui  
Erunt honores quos sub acri

Præside CARPZOVIO capeſſis.

deproperat.

à Tuo

Felici Henrico Borch  
Nobili Pomerano.




ULB Halle  
004 961 196

3



W177







DISPUTATIO JURIDICA,  
Continens positiones aliquot  
maximè controversas

De

M O R A

*Quas*

D. T. O. M. F. A.

*Magnifico & Amplissimo Jctorum Ordine  
Consensiente*

*In celeberrimâ & florentissima Witbergenfium  
Academiâ.*

SUB PRÆSIDIO  
CLARISSIMI EXCELLENTISSIMI  
ET CONSULTISSIMI VIRI

DN. CHRISTIANI CARPZOVII


J. U. D. Præceptoris, Fautoris ac Promotoris sui,  
eo quo par est honoris cultu prosequendi.

*In publico Jctorum Auditorio  
Placida disputantium censura subijcit.*

CHRISTOPH. JOACHIM COELESTINUS

Custrinò Marchicus

*Habebitur ad diem 31. Martii  
horis antemeridianis*



WITTEBERGÆ,

Typis GEORGII MÜLLERI,

ANNO clō lōc xxxii.

*Amico suo An  
cissimo & Doctissimo*